



隨草

卷下

文江朱中楣遠山著

子

振祺
振裕



夏日雨餘

避暑嘗移榻風生枕簟清濕雲歸遠岫返照下
層城雨濯鶯聲潤霞飛柳外晴應知荷芰發碧
水正盈盈

題燕

幾樹榴花雙燕飛
喃喃學語入簾幃
巢尋舊宇悲前代
粒哺新雛慰晚饑
浴罷玄翎疑若瘦
飲將紅頰似添肥
凭欄愛汝渾忘暑
月上紗窗未掩扉

題畫

層崖斷處小橋橫
蕩漾漁舟戲碧洄
半掩柴扉憑客至
騎驢人向翠微行

重陽寄梅君

傲霜枝帶晚霜輕
為憶年年共舉觥
幾回欲向登高處
愁聽砧聲與雁聲

孟春感懷

每聞羌笛動歔歔
淚染重衫思故廬
苑柳含芽眉未展
新茶抱節葉難舒
春風逐草愁兼長
夜月征鴻信亦踈
為憶當年蘇武句
自憐何日整

歸車

寄情
深遠

聞子規

陸草 卷下
忽聽啼鶻柳外飛聲聲相喚不如歸人歸何似
春歸易芳草萋萋送落暉

眼前話千載長
新所謂真詩也

莫春次龔年嫂眉生韵

紛飛彩蝶簇群芳雨歇紅殘日正長細聽鶯聲
歌似曲楊花點點綴羅裳

其二

凭欄無事數飛花簾捲晴光翠影遮却憶江南
春欲莫雙雙燕子夕陽斜

贈涂門姑娘扶僉院印海先生旅櫬南歸

國香零落共天涯旅館蕭蕭聽晚笳伊昔柏舟

悲皎月儂懷萱草悴容華和糜七鬢情誰訴姑

朕割擁櫬孤兒路轉賒別酒相看含淚飲離愁無

奈逐歸車

孟冬感懷

為客他鄉已六年幾經滄海變桑田清霜凜凜
凋殘葉淡月溶溶罩晚烟怨逐漏聲悲漢關愁

隨夢影到吳川白雲歸盡人千里悵望關河淚
黯然

嘲佳人曉粧

曉鷓啼散滿林霜嬌怯初寒淺淡妝宿酒漸消
金篆冷怪郎早起合歡床

無限轉摺
無限含蓄

暮春

閑花落盡淡烟垂庭院深深小倦時無數蜂衙
喧午夢幾行蛛網掛浮絲教兒漸習家鄉語喚

婢重箋旅邸詩漫聽梁間新燕子榆錢聊借買
春資

其二

為惜清暉景欲移留春無計怕春知輕風拂柳
侵碁局曉露籠烟覆酒卮不分落花愁晝永可
堪芳草怨歸遲憑欄遠憶江南地無限歌吹正

此時

二律得性
情之正

莫春初霽

隨筆
卷下
四
催花雨歇淡芳辰小院晴生燕語頻翠柳垂垂
侵曉黛遊絲細細逐香塵濕雲歸盡烟初裊醉
蝶紛飛草正勻試看落紅春漸老留春人是送
春人

夏日飲龔芝麓年嫂新閣分韻

小閣亭亭四望通管絃聲徹紫霄中風清暑退
閑調瑟日落涼生看飲虹遠樹參差巡佛案亂
山迢遞隱禪宮長安花底人堪聚還擬重來醉

碧筒

至日憶母春月壽期預為寄祝

佳辰為憶艷陽天草色茸茸淡碧烟鶴舞庭中
紛瑞雪鶯啼柳外奏清絃芝蘭共逐春風長銅
狄還看海屋連南望萱花遙極目紫霞觴進彩
雲前

丁亥元旦試筆

一夕東風度歲華暗催柳色遍天涯寒梅半吐

香生袂玉曆纔看蕓展芽栢酒相酬燕市醉桃
符又換故園花山川如舊冠裳攻城北城南起

暮笳

劉長卿謂李季蘭為女中詩豪
讀此詞義凜然真閨品之豪矣

莫春有感

憶昔江南景香風淡宕遊花繁約鷺至林靜惹

烟浮翠黛日春鎖柔腸帶酒愁異鄉為客久空

抱杞人憂

飲金夫人宅觀樹間返照倚席賦之

閒看枯樹發新枝倦鳥頻棲返照遲碧葉紅霞

相映遠簷留殘雨滴瓊卮

對奕

一縷清香一局棋數杯濁酒數行詩紙牕疎影

輝如畫閑看狸奴睡足時

其二

烏啣梧粒墜金卮愛聽蛩吟夜卧遲習習香風

薰小院却日籬畔菊開時

其三

雙雙歸雁過樓西
玉馬頻敲翠黛低
為憶家園霜後橘
思親無夢到深閨

菊月念日游金魚池

天空飛鳥沒還浮
地僻踈林遠更幽
池上好風吹落日
岸傍垂柳繫扁舟
凭欄擲餌翻紅浪
採菴停杯映碧樓
漠漠炊烟籠古寺
泠泠淺水浴
蛭鷗壇垣近對黃
疑抹陵岫遙看翠
欲流旅雁

鳴沙驚客散籬花
刺袂戀人遊殘蟬
短咽思炎夏群馬
頻驕踏素秋颯颯
飄香侵坐冷晴霞
碎

纈晚悠悠

長律畧無羈制有才
有學

戊子元日

畫角頻催報曉籌
爐烟香裊翠雲裘
新開文運兒初學
久越慈幃客尚留
凍柳迎春金漸吐
輕風掠水玉將浮
紅梅應醉屠蘇酒
笑拍家園白

鷺州

洗盡纖艷氣
為不易得

春晚雨餘

昨宵點點透牕紗
妬我閑庭幾樹花
垂柳顰眉眉未展
天桃含笑笑無涯
堦前嫩笋堪成竹
石上新泉可試茶
燕語喃喃驚客夢
輕風初度曉烟斜

莫春遠眺

春深河畔草萋萋
滿徑殘花上燕泥
苑柳乍成鸚武綠
山鷄疑作鷓鴣啼
閑看落子驚黃鳥
細

數歸帆渡碧溪
風送遠香侵小院
一彎新月挂

樓西

盛唐

舟行贈梅君

清風送我出官衙
露白橙黃可到家
醉後彈碁頻喚酒
詩成閣筆幾烹茶
濕雲帶雨歸殘岫
野鷺擎魚啄浪花
是處客帆依暮落
凭牕無事聽鳴蛙

寒食

惜春無計賂風姨
 萼母初生感舊時
 寒食斷烟深樹綠
 清明改火素雲遲
 飛花亂落鏤瓊砌
 垂柳蒙茸覆月池
 槐葉漸看成鼠耳
 天涯何日是歸期

夢中詠梨花

古意

朝看初日紅
 暮看梨花白
 朝朝暮暮幾迴風吹

竹閑亭半尺雪

天才高妙
欲呼謫仙

春歸雨後有感

何事春歸歸太速
 聲聲細雨頻相促
 深紅淺碧沒苔痕
 忽聽啼鴉猶在屋
 昨宵春去夏欲還
 堪嘆韶光如轉軸
 無數饑烏噪遠村
 翩翩野鶩浮新綠
 乍寒乍暖燕將雛
 夕官燕都家在吳
 是處烽烟隔南北
 鄉書數載半行無
 朝朝暮暮空懷母
 吾母焉知不憶吾
 待得萼鱸秋風起
 片帆歸問章江水

懷遠堂三偶成

時同豈凡大司空南歸

一從別渡染丹楓幾度臨風欲寄難春夢每隨
江水遠錦鱗為報尺書安花前對酒曾留句月
下聞琴憶共彈燕解離愁知索寞雙雙宛轉話
雕欄

又寄金四新娘

比翼翩翩渡若耶才堪題柳鬢堆鷓輕粧漫佩
宜男草得句閑看並蒂花香度薰風翻紫燕簾
燕新三變片霞綵首冉冉迷芳徑愧我飄萍隔

海涯

春日

一林花逐鳥聲開幾度清香入院來細雨蒙茸
驕柳色青梅如豆燕初迴

起句佳可
謂神到

梅君避暑山寺寄答

避暑宜尋寺何當詠別離鶴歸清梵後鍾定旅
吟時世亂教兒懶身閒仗佛慈行裝自羞澁惟
寄錦囊詩

波瀾老成誰
謂出之彤管

立秋

黃鍾樂奏雲翹舞商律初迴成九數翩翩石首
化飛鳧灼灼流螢生草腐久客他鄉嘆蕭索况
值閒堦一葉落簷簷留點滴助輕涼雨洗蟬光清
更薄却問秋從何處度多在深山與遠樹西風
忽爾透牕紗新雁數聲堪作賦玉衡今欲低山
河已兆故天香又向月中飄南北烽烟阻歸路

開闔極有體裁
深千十二家

寓天津喜聞寇退

一自滄桑改驚魂尚未安連宵烽火急拂曙劍
光寒膽怯心如繫愁添鬢欲殘星馳傳羽檄風
勁擁雕鞍月上橈槍沒烟消海宇寬家鄉音問

杳世亂去留難

殘字粘
來甚新

戊子九日感懷

時梅君以津撫波累將歸

飄泊天涯外棲遲遠署中無端遭累累猶幸脫
樊籠別淚三秋雨愁懷九日風驚看延壽客懶

珮辟邪翁薄莫孤帆遠深閨旅夢通登高頻振
望錯認幾艤舸

遭迴羈旅中猶能從容文詞
然而不亂有烈丈夫風節

春睡

人為夢相羈明窓影欲移隣鷄頻唱午旅客強
吟時柳逐鶯初轉花含蝶未知河開春信早天
迥鳥還遲風度餘香裊烟銷細羽隨閑雲紛擘
紫野水亂流漸極目鄉關遠歸鴻動我思

起句奇絕閒情語可以醒世臨川四
夢包括此五字中知人何從說起

偶見燕燕扇頭詩因其韻嘲之

筭頭吟短句疑度浣溪沙面面盈秋水

鏡八面
觀音

婷婷步落花

金蓮甚小

新鴻來遠塞舊燕泊誰家

故相

姪莫醉閑亭月迴風化作霞

其身甚輕

憶鄉

昨看月半規今看月已彌晚霞天欲暮深樹鳥
鳴遲異鄉十餘載寧不懷弟妹椿萱音問稀歸
鞭豈容待心緒擾如絲春光知不知無使花再

發俟客到家時

結語入漢
魏之室

七夕同梅君小飲

暑退涼生簟秋容染碧空雲開青鳥信香度玉

樓風輕敲蜻蜓翠微醺菡萏紅銀河清炯炯應

照兩心同

第六句詩
中寫照

歲晚寄意

遙望疎林裏顏巢積曉霜枝頭懸玉筋河畔響

冰床

京城俱以木為
床往來冰上

處處炊烟合村村釀酒香

北溪梅未吐南苑柳含芳歲莫歸應迫春迴刻
漸長浮雲穿古堞凍雀隱雕梁日落千峰冷年
催萬戶忙倩鴻將短句趁月理行裝自有刀環
約何須滯上方

人日

寒舒蕨葉曉烟收片片梅花點翠裘旅夢乍回
殘雪在鄉雲頻望曙光浮為敲玉筋催新句漫
憶金臺感舊遊處處歌吹新月上相將携酒一

登樓

立春六日挑燈偶成 小序

予隨梅君寓京都十有一載而患難頻
經憂懷莫展茲幸僦烏南樓暫居八寶
吾君得以悠游於山水間余亦怡然置
琴花於淨几假書史於鄰媛夜課兒讀
不覺漏已平分矣忽迅雷風烈雨下如
注時驚蟄未交天道又敢問乎計君之

程當在秦郵必飲王司空家因以嘲之
嗣信不果如其擬也附記一粲

盆梅發亦向南枝點點冰花散玉池
幾陣幽香侵夜永寒雲漠漠雁歸遲

其二

閑來訓子惜三餘
斲茗論文總自如
世亂滄桑貧不易
架頭幸有讀殘書

其三

陸草 卷下 十四
芸牕斜月影朦朧
倏爾轟雷動遠穹
遙憶片帆今夜泊
料應見慣讓司空

辛卯五月隨梅君北上
夜泊橋頭風雨驟

至漫賦

湖光萬頃接遙天
滿目蒼茫異去年
五月長征承簡命
三更嚴柝對戈鋌
層雲杳靄迷鳧岫
蔓草菲微泛鷺田
為問老糜何事怖
夜來風雨隔村烟

南陽晚眺

雨餘天欲暮
倏爾至南陽
日落山容歛
風輕野趣長
黃頭欣鼓角
白叟載壺採
亂水衝橋急
孤村刈麥忙
遠霞疑若岸
繁鷺恍如霜
初月纖纖影
新荷澹澹香
扣舷裁短句
續夢趁微涼
細浣斜紋篔簹
慵成翡翠妝
暝烟籠別堡
對景一飛觴

續夢趁微涼有殘
夜水明樓之致

辛卯長至日得漪蘭熊年嫂白門見懷詩

四首依韵答之

别梦年来远度淮，莫云春树忆瑶台。仙帆自逐秋声杳，每对清風想玉釵。

其二

長安濤甚廣陵濤，誰謂山人索價高。漫抱雲和酬白雪，空懷霜穎動林璫。

時雪翁俱奉召入京

其三

繡線頻添復一陽，仍憐時事等滄桑。秣陵烟草

今何似，南雁飛飛有報章。

其四

天涯猶憶共艱辛，雪後寒梅欲放春。寄語燕臺堪對酒，山公還是畫眉人。

壬辰春偶覩同鄉康小范，年家媪寄外詩詞清新俊逸，想見其人，目漫屬和以志

同聲

又值艷陽天花飛，撲髻蟬倚牕。評燕語撥柳問

鶯眠繡閣傳芳信
 文溪濯錦箋
 漫聽清漏永
 遙和白雲篇
 綠嫩紋疑織
 紅深媚欲然
 故鄉新月吐
 應照掌珠圓

三月廿八日同金司馬龔奉常兩夫人往

觀東嶽盛會是日立夏

共作春明客
 居然似故鄉
 漏隨時序短
 貧向日邊長
 池暖魚兒躍
 梅青燕子忙
 童裝高漢漢
 翠影照旂常
 歲稔知民樂
 帝飄識酒香
 靈嶽天為

帝神威藥是王
 鏤幡霞散綺
 絢彩錦成行
 樂奏黃鍾律
 花開紫鈿珖
 千秋傳采石
 三醉羨純陽

賽會中裝此二景
 雨浣緇塵淨
 風侵柳絮狂
 曉烟籠翠

羽瑞色隱河舫
 綠鬢低垂幙
 紅纓蔽遠芳
 感粟聲聲度
 燕支隊隊妝
 油車連寶馬
 艷舞雜飛觴
 但覺人心豫
 惟聞佛號揚
 太平歌有象
 歸鳥任

迴翔

錯采鏤金
 剎雲之流
 亞靜庵士
 齋未可比
 擬

題五絃宮保陳姬遺照

仙仙逸態有餘芳
細觀遺容寫恨長
數斛明珠江底月
清秋和淚浥玄霜

其二

廣陵曲罷影離離
却憶無人私語時
化作彩雲歸楚峽
還從幽夢任情痴

其三

丹霞疑貌月疑神
誤落塵凡幾度春
草色自憐青女怨
畫眉難畫畫中人

其四

曾譜新聲小忽雷
三生石上意徘徊
桐陰暗獲纖纖影
坐對紅殘冷玉苔

其五

茜茜微依似昔妝
茂陵秋色老橫塘
芳魂自逐歌聲杳
翠幙仍聞細語香

春日即事

春深無寐惜芳華
坐對閑窓檢五車
院柳漫窺

青白眼茗槍新剪短長芽餘寒尚怯飛來雨薄
暮還憎遠度笳二十四番花信後天時人事總

堪嗟

其纖似晚

春歸記夢

輕風吹夢遶天涯夢到家園事事差幸有殘書
窺脉望還餘勺水浣銅牙彈棋漫效今時局問
月空憐舊種花春夢一場還是夢春歸猶自滯

水衙

唐音

偶擬前遊仙曲

翠幙風柔燕影斜遠峯含雨落窻紗連雲拂漢
承朝露帶月乘槎掉晚霞氣撼陰晴鞭紫石光
搖波浪走金蛇人人俱作千秋夢七七能開頃
刻花共喜方瞳裁竹素閑吹短笛和蘆笳榆錢
漫簡資春酌柳絮閑飄逐鬢華欲向柯山枰一
局爐頭應有舊丹砂

和陳海寧夫人韻

時夫人携長公考廉歸娶有詩留別

望衡未幾接寒溫
話別匆匆月到門
知度曉風生彩鷁
每吟新韻動離魂
今時錦畫歸迎婦
他日含飴喜抱孫
早晚鸞驂來畫閣
小春花發待開樽

壬辰七夕

簾捲清輝透碧紗
笑看兒女供茶瓜
金梭盡織人間巧
銀漢空傳海上槎
欲為雙星添漏永
還驚一葉逐年華
西風又度悲秋客
綉屋光垂駐

晚車

浴佛日咏雪

但覺衾寒怯曉風
猶疑霜帶五更鍾
開窓漫羨泠泠白
撥火時憐艷艷紅
暗約春回欺翠萼
閑隨冬盡待芳叢
溶溶欲化菩提水
果證非非色相空

贈涂年姪女南歸

小引

涂映薇年兄女王公子小韓之配也兵

亂入都熊雪堂少宰解驂贖之育余邸
舍數月小韓使使迎歸姪女依依不忍
別走筆六章以當折柳

每話家園淚雨潛薊門秋老雁初還驚魂自逐
瀟湘水忍見湓城山外山

其二

憶昔章江江水潺幾將清瀨葬紅顏香飄欲散
人猶在厭聽笳聲夜獵還

其三

時慰愁容強作懽漫傷親串半凋殘珠簾莫雨
西江月盡付離人馬上彈

使事恰當兩語
已勝琵琶行

其四

齧雪食糴苦自持誰憐弱息委燕支青青柳色
仍如舊寄與韓郎知不知

其五

共羨山公古道稀黃金解盡出重圍豐城劍合

珠還浦故國文姬此日歸

其六

欲行猶自故遲遲
年誼鄉情未忍離
但喜樂昌鸞鏡合
粧臺重畫舊蛾眉

壬辰中秋前三日長安寄懷熊姑母

亂後餘生未有涯
幾從薄宦滯京華
清霜暗妬王孫草
玉樹遙連帝女花
歸夢每同秋水遠
靚粧應傷曉雲斜
徐亭蘇圃能如舊
卜築還期共

紫霞

季春送總憲趙洞門夫人歸廣陵

相逢猶恨晚話別且徐徐
怕問登程日還疑
叱馭初夢回
衡嶽雁書寄楚江
魚為憶邗關月期同卜舊廬

其二

齊眉人共羨
攜手暫同歸
花落山空斂
烟深岸草肥
承歡閒鼓柁
對酒可忘機
帝簡知仍在
重

來願不違

癸巳三春後始試筆時將出都

春歸方握管夏至又登程借問勞勞客誰為抱不平

其二

入山猶未晚解組一身輕家釀堪同醉團圓羨此行

癸巳初夏出都留別金總憲夫人

勞勞歸雁又南征愁聽天涯唱渭城豈以歡娛生別恨每從憂患識多情潞水浮家閨夢遠燕臺判袂客身輕庭前共羨森森玉繡戶香風栢府清

留別龔夫人時夫人將有得麟之喜

苑柳垂垂乳燕忙啣杯共對紫藤香蘭芬九畹堪裁賦桂落三秋好弄璋旅舍論文知己遠天涯分袂客途長為憐別後煩宵夢顏色還疑照

屋梁

遊天主堂

小引

癸巳五月將出都門竹醉日同朱石者
年嫂遊天主堂時湯若望太常新拜國
師之命堂內結構精嚴圖像靈幻若浮
出畫面數寸凜凜生動令人不敢迫視
西偏小有園鑿方池二引井水激灌其
中如跑突如跳珠逆沸而上不知其從

井來也又以木斗置闕挾汲水可仰射
數丈其餘種種異製皆目所未覩是日
也雨過風清斜陽在樹從竹徑登崇臺
大內宮闕歷歷指顧間偶詠雲裡帝城
雙鳳闕雨後春樹萬人家之句為之悠
然歸裁數言以志歲月未可言詩也

西域從天主中原奉至尊殊方分野異三教一
心存古殿靈光肅新銜寵命溫莊嚴金碧燦浩

森霧雲屯頂禮疑如在瞻依覺欲言降魔清宇
 宙捧日鎮乾坤治曆星傳秘鳴鍾漏刻翻引泉
 飛瀑布醉竹藹蓬門覽勝尋仙境探竒拉女暈
 高臺憑禁苑峻闕憶璿源草色迎朝騎風聲斷
 夜猿宮花蘆笛落御柳熨新髮此去南歸隱勞
 勞擾夢魂

舟望 珠湖

四望湖光白雙鳧卧晚莎葦深聊作岸嵐遠欲

連波村漫人居艇堡荒盜息戈蒼茫浮一葉此
 地又重過 似浣花

和潘太夫人八表韵 喬聖任年兄岳母耄
年不廢吟咏

八十能文世豈多蓬萊清淺幾經過為聯柳絮
 慚希孟政值陽春瑞采和有待陳情紛紫萸無
 涯樂事詠菁莪淮流不亞甘泉飲嵩嶽遙瞻頌
 若何

後遊仙曲

隨草
卷下
十五
珍酣玉液秦紅霞縹緲蓬山影綠華鐵笛吹殘
香夢遠金沙食落髻雲斜猿啼石室窺丹竈鶴
舞松崖駐絳車欲共鸞驂能著我潢流飛渡問
仙槎

隨草卷下
畢

隨草續編

評閱

黃五湖

素籜庵

卜聖游

熊鶴臺

施愚

羅太湖

趙友沂

饒型萬

介庵

隨草續編

文江朱中楫遠山著

丙申元旦試筆并寄梅君

共擇南枝穩安宜即似鄉兒童驕節序桃李艷
宮墻泚氣初迎歲新梅曉闔妝欣看冀一葉預
喜桂三芳春縮寒江柳花繁畫錦堂計程應抵

里把酒醉青陽

用字刻畫處無痕
跡見功力之深

新春二日寄懷梅君

違家畧約纔三月屈指韶光已二年我自憶君

君憶子深秋果否權歸船

如風行水上
自然文章

予久恙初愈時值秋歸日感賦寄

懨懨九十負秋光秋去應憐別恨長佛手柑香
生夢遠龍鬚篔簹款覺余涼久荒筆硯裁新句日
近參著較古方瘦比黃花堪競節嘹唳征雁又

南鄉

佛手龍鬚雖對
得巧不甚古

長至後得南州家報聞弟卓爾將返弟婦

佯有羞色倚席嘲之共博一笑

幾度檐聲噪聞歸應自娛覩函開復掩訊使出

還呼媚黛生春色天桃靚雪膚佯嗔回畫閣偷

空繡雙鳧

佳處如虎頭頰上三
毛可解而不可說

其二

不慣經時別迢遙憶客單慵粧塵寶鏡答句染
齊紈日煖占風順宵長怯夢寒聞嘲羞掩袂欲
去又還看

丁酉初春家宗伯太虛偕夫人携小女優
過我演燕子箋牡丹亭諸劇因各贈一
絕以紀其勝

生

平陽歌舞舊持名占盡風情景此生欲揖采煩

羞掩袂冠裳久已愧卿卿

詠諸人字字的確每
帶滑稽見文心無窮

旦

新妝十五正盈盈唱徹金縷舉坐驚若使甄妃
今日見應須還讓小傾城

小生

斜攏犀梳淡點唇向人含笑整綸巾迴風一
花如霰疑是何郎傅粉勻

小旦

飛飛燕子曲江濱為妬雲娘獨擅春画到有情
渾入画這回忘却女兒身

末

銜居副末職為先窈窕師生意更妍巧詠關雎
直比興牡丹亭畔月娟娟

外

強轉鶯簧放調歌桂枝香香動雲和嬌容暗逐
韶光老兒女逢場取次多

淨

過雲纔度又凌霄縈効雄裝髮尚髻跳躍一身

輕似葉楚王原自愛纖腰

丑

不願周郎羨小伶發科全賴假惺惺喬妝景喜
般般似點綴同場樂滿庭

蕭孟昉年姪金陵新嫂以茉莉一株見遺
偶成俚句却寄

業業翠幹邁群芳小院香凝夏晝長桃葉艷分
來楚水鬢華蒂並寄雷塘綠陰點染繁英綴粉

陸草續編
四
蝶紛翻舞態狂
恰趁晚妝花正吐
柳梢開月助
微涼

西湖喜遇黃皆令名媛率爾言別詩以贈之

想像湖山有廿年
今來悔不及花前
蘇堤柳短偏宜月
淨寺僧高可問禪
影倒雷峯翻夕照
靈生天竺倚朝烟
匆匆漫逐秋颿遠
欲託離情告

愴然

章法清老只恐皆令難和

西湖小樓曉妝

遠近青山落鏡中
画眉何用彩毫工
輕調花露胭脂色
點染西冷一夜楓

初晴

久雨初晴花欲飛
乍驚新月上簾幃
燕鴉交代誰為主
漫倚高樓看落暉

客秋偶憇西子湖
與皆令黃媛比隣而居
淪茗談詩方諧夙願
惜匆匆遽別去值此

春光能無懷念目賦却寄時戊戌上浣日也

蕭蕭葉落泛歸航載得湖山返故鄉
滕閣煙深懷帝子鶴亭春老憶文孃
步搖擬趁鶯花色條脫閒粘筆墨香
此日長堤新綠滿画樓吟罷應飛觴

猶記閒坐湖樓皆令携幼媛過訪髮方覆
額遂能誦詩寫法帖楚楚可人今依然

夢想間并裁小詩似之

瑟瑟輕羅淡淡粧柳梢鶯語乍調簧
烏雲應拂春山小紅藥初含夜雨香
鴛水毓靈多鮑謝蠅頭妙楷逼鍾王
夢迴猶記殷勤別幾欲箋詩燕子忙

丁酉小春抵里

睽越鄉關十六年今朝仍覩舊山川
梅疎俶翻尋枝晚雪映芳洲濯錦鮮
春返江干花漸艷霞

侵潭影月爭圓何期久滯淮南客載得清風一

禫旋

寫驚喜之意正如漫卷詩書喜欲狂也

人日

每在異鄉為異客今逢人日羨歸人紅梅爛熳

波含綠始信江南早占春

純是唐人三昧

春日感懷

青春作伴已還鄉贏得新詩富州堂蘇圃漫添

湖水綠柴桑難問徑花黃荒城處處傷離黍舊

燕飛飛覓画梁家國可堪寥落甚怡情何地足

滄浪

修揚澹蕩七律至此醇乎醇矣

登滕王閣

相看南浦亦悠然誰謂西湖山水妍山水解人

人不解采鸞疑度萬峰巔

傲眼俯視一世

靛雨前一日小室閒吟

小苑焚香逗綠紗攤書隨意註南華春衫未剪

寒仍怯午夢初迴日又斜湖外祇堪眠弱柳雨

前誰復餉新茶中懷脈脈閒無奈看取遊絲綴

落花

情景俱圓昔人論詩要
意象玲瓏此為合作

戊戌端陽久雨初霽

節序煩靈雨西南近漏天乍寒還乍燠輕殼復
輕綿酒浥丹砂艷蒲翻翠帶偏簪符懸籠菽鏤
艾影蹁躑益智香傳粽酣歌韻入絃競標聊免
俗賽社任扶顛曲徑皆迷棹荒原每斷烟行波
裁短賦洞爵綴連錢霽重欺裘救腸枯索句鮮
聯拳閒个个交語話談談霽色初生月清風動
綺筵

新秋雜詠八首

欲效長齋繡佛前可回俗務礙參禪紫金鐘扣
千僧俯一念能生鉢底蓮

驕陽如火曲池煎尚有棋聲劫晝眠幾欲狂呼
食絳雪還尋幽澗聽鳴泉

聲風微逗薄羅襪銀蒜頻敲提捲簾侍女乍驚

新月上殘虹輕拂黛痕尖

媚媚流光撲鬢華玲瓏紺玉隱丹砂誰云脉望
窺霄漢且學囊螢著五車

抱葉清蟬咽晚炎新栽荷袂玉摻摻蜻蜒不定
漁竿裊滴瀝冰壺水自添

秋聲欲動野香飄漸覺新涼警玉簫漫聽小鬟
初度曲檀痕輕插顫雲翹

遠林梳雨掛明蟾靜院無人鶴夢恬獨坐雲根

閒點易清沅汨汨詠松髯

絡緯初吟漏木杵步虛歌徹羨琳琅盈盈多少
相思淚化作人間夜雨香

初冬兒裕隨親歸里舟次寄詩三章回用

其韵得一律示之

一葉承歡具綵尊小陽春色簇歸輪風生霧白
縈帆影橘老林丹醉月痕預望他年觀上國喜
從今日到家園滄桑共羨團圓羨為慰椿萱復

有萱

代和熊少宰憶昔志感

憶昔春明花正開
珊珊並轡早朝迴
藤英滿署餘閒樂
共羨山公濟世才

憶昔風神迥不同
飄飄疑下玉隆宮
應憐秀筆矜張敞
笑指桃花映水紅

憶昔朱門舊日歡
為傷親串總凋殘
繞連洛社堪娛老
只恐東山起謝安

仍效陸放翁放歌行代次熊少宰韻

世局紛紛俱不若
為有橘中棋景樂
輸却瀛洲九斛塵
翻然此去藏丹壑
滄桑幾見歲頻移
白帝城邊空雁歸
繁花盡作遊仙夢
簫管何人出妓圍
把臂投林原不誤
翰圃芳州幸如故
江湖應羨兩人閒
俱有兒曹能獻賦

初春寄宗伯年嫂并憶烟波曉寒諸女伶
又值陽春景物和
怡懷誰解曉寒歌
年光荏苒

閒愁劇風雨淒其感詠多玉茗尚然迷柳夢滄
浪空自鎖烟波花繁錫九應增艷憶拍檀痕喚
奈何

春曉

側側輕寒裊裊垂嬌鶯初啣最高枝枕稜畫得
金釵響為記深宵夢裏詩

寒食

性癖耽書愧等身不因憂患倍傷神春光漸老

清明候槐火初傳夜雨新綠樹鶯啼驚短夢翠
鞦人杳悵芳辰樽蒲釀酪無情緒漫向東風洒

淚頻

漸覺渾成
天真白見

清明喜霽

清明雨歇果清明綠樹深深乍啣鶯詩債每從
窮處償春愁端向解中生桃花浪躍人迷棹柳
絮風翻水促萍為曝琴書蟬夢覺海棠猶自帶

微醒

清新俊逸直
拔庾鮑之幟

已亥清和月羅篁菴學士越中如嫂以繪
扇見貽喜而賦贈

翰苑深深隔絳紗
綠陰掩映冒名花
丹青漫染侵唇淡
鏤飾頻刪怯髻斜
跣脫每回書楷並
隄隄麋就誤點蠅
嘉相逢恨晚休言別
為約秋風渡若耶

燕來遲

柳梢斜掛玉痕纖
影落瀟湘促捲簾
燕子不來

春欲莫教人空自賦江淹

皆令黃女史寄來自壽詩偶依韻得四章

滄桑更覺世情非
越水吳山願不違
風雅道隆饒遠韻
丹青墨妙寓玄機
秦樓尚訝相逢晚
徐榻空懸歲月稀
一望薰葭堪共詠
新秋應製薜蘿衣

蘿衣

四首次韻無不停妥
妍麗可稱潘江陸海

其二

自信無非可待知
嵐光泓影日遲遲
芸窓筆染

三千牘優鉢花香二六時騰有湖山堪共賞却
言才韻不兼痴庭堦為愛蘭芽秀瞻洛同看詠
福茨

其三

今古英雄見畧同笑看萑菑等輕鴻寧售盡日
蘇堤画誰解千秋華霍桐偕隱煙霞咸有韻俄
觀色相本成空屏開異日乘龍選花滿西泠醉
阿翁

其四

輕風細雨菊花斑賴有豪吟可破慳每念榆桑
鴛水綠難拋楓葉虎林丹六橋觴詠隨雲度百
歲琴書對酒閒遙望鸞音天外起年年擗脯下
三山

重九日禱雨 戊戌

青女驅車候黃花尚未開雲踈時漏月秋老正
歲雷社燕將愁去霜鴻列字回綠林矜上賞早

魁若為哉

哉字史筆有烹弘
羊天乃雨之感

又

昨年風雨滯西湖此日晴生花又無天護驕陽
空致禱尊開舊釀不須沽非因勝節纔歌帽幸
有閒江可釣鱸笑把茱萸裁短句寥寥豈獨為
催租

除夕

歲矣崢嶸莫甘貧懶作文人縈三處念夜屬

年分風雨庶微雪煙光若布雲兒童耽戲儺共
待曉妝欣

立春前二日雪

繭帳鴛衾陡覺寒起看翠竹玉為竿屏山冒雪
鏤疑畫綉額飛英峻若刊漫選谷簾烹日鑄閒
輸菜甲助春盤詩思補後今猶澁性癖踈愚醜
亦難

迎春日讌集宗伯年嫂家因命女伎演雜

詞數齒

京兆畫眉

漢廷吏治頗稱循太守風流實可論畢竟閨中
偕俊麗故甘輸作畫眉人

粧花人面

迴雪婷婷縞帶輕粧花人面果傾城經春一別
空畱句辜負雲英繾綣情

江干解珮

新春重踏杏花春又見波光漾洛神自古憐才
應擬賦至今遺恨隔仙塵

燕子唧箋

清閨幽悶寄新聲誰料烏衣解誤人唧向曲江
成底事漫教兩地歎芳辰

窻前護惜花卉經冬尚鮮昔王摩詰繪雪
裏芭蕉後人易之以梅故咏此為輞川
吐氣時新正廿三日

立春寧幾日節物已頻遷
消恨花將發忘憂草
尚鮮寒因增月閨俗競補
天穿雪裏蕉還綠誰
能繼輞川

雪燈

銀花纔散六花飄
碎蝶紛紛點翠翹
擬向月中探桂魄
還從虹影度雲橋
晶球漫鏤纖纖怯
玉梳輕騰燄燄嬌
恰置金盆供笑謔
光搖素練奪寒標

久雨得梅君家報偶賦春字

連綿春雨恹春晴
啼徹春光春鳥鳴
春色骨人人意倦
春風吹夢夢還賡
春雲每共春愁纈
春思猶兼春草生
春信喜從春候至
春遊何處聽春鶯

孟春得兒寄小除詩即用其韻

每懷吾子遠况值歲之除
屢寄思親句頻知拜
父書夢迴千里共花發
二年餘陌上春方轉揮

毫動紫墟

梅君扎寄卓弟戲問其睡興濃淡何如代

賦解嘲

却憶君書帶笑封希夷同姓不同宗三竿日上
晞朝髮一縷煙酣劫睡容高卧漫驕遊子趣生
涯只與夢婆濃閑憑晝永添宵刻暫學敲枰列
碧松

以數目字咏雁

一年兩度客天涯未睹荷香十里花八月啣蘆
驚旅夢七絃揮羽亂晴霞風清四野聲偏遠笛
冷三秋影自斜六出飛英寒九塞翩翩五彩絢
汀沙

梅君時寓白田以詩見貽漫賦喜鶯遷寄

和

金衣著雨膩還嬌悶對春陰奮欲遙覩飲甘霖
疑漱石量移嘉樹若遷喬如煙柳色依微現似

陸軍總編
樂笙簧次第調漫擬白田應聽早飛花欣逐浦
雲飄

和女琴士久雨排律

不放春光好花期日日陰淋冷添刻漏瀟洒間
徽音按指窺紅影閒吟見素心年華驚荏苒世
態嘆升沉有美情偏愜無絃意侶深洋洋乎在
耳彷彿聽義琴

擬古遊仙詩

洪井尚畱丹食霞堪續席盈盈若輕舉攬之不
可得宛擬至瓊宮互立仙班側倏從江海遊鮫
人捧珠出燦爛起層霄輝煌炯遙壁或理鳳皇
琴或窺麟虎跡或誦步虛吟或促清談膝香靄
度韶音旖旎停雲澤恍惚在天涯徘徊回間只尺
忽觀避秦人忽睹偷桃客劈藕大如船分脯還
煮石控鶴欲凌空懸崖深莫測窈窕復冥冥蒼
蒼何鬱鬱團露染新紅方壺縹緲碧月腦晦還

圓星眸炫猶逸珍重廣成言飛鳧酣數息勝境
可能尋山河咸歷歷六著恍然明乾坤任所適

和生孫志喜

時兒公車未返

為賡新詠蔚新枝共慶年來事事宜昨喜三秋
生女慧今彌四十得孫奇小名取會簪纓美紹
祖期同松栢姿孔釋圖懸徵吉兆兒歸湯餅醉
親知

重九

誠然風雨近重陽石吏催徵較昔忙豈為登高
歸翰圍還羸儲釀寄柴桑看見握管書蕉綠教
媳分題咏菊黃對此良辰休負却又聞新雁過
長廊

重九後一日晴

愧不許成附草堂幽人風韻幾能償花酣似倩
朝晞醒墨艷猶凝夜雨香却羨鷓鴣知節序還
疑吉了詈宮嬙怡懷剩有籬邊思且向堦前問

海棠

和輓卓爾弟婦靜芳韻

嗟哉含淚出城東
痛徹鴿原悵別同
憶效蘋蘩供菽水
忽拋翰墨墜林風
湘潭珮冷空餘綠
朱邸灰殘久斷紅
幸藉琬琰傷玉碎
芳名畱艷簡篇中

咏灌瓦梅花硯

豈同斲研癖
愜意卽為真
簪此千年物
售之廿

有春洪齋銘尚在
雪廟址難詢
質古琉璃膩
凝翡翠勻
梅花欣共對
共草倍相親
殺墨毋煩
力供吟似有神
聞聲應不爽
奕世重家珍

陸



